

十三經注疏校勘記識語

十三經注疏校勘記識語卷四

黠 汪文臺 南士

公羊

序 何氏本者作墨守以距敵長義以強義

浦鏜云者疑著之誤當在敵字下龔麗正云何氏不聞著長義此言距敵長義言與賈逵長義相距敵也案如龔說則當讀著作墨守以距敵長義爲句下以強義三字似衍

案本者不誤疏以釋往者也長義疑漢議之誤後漢書何休傳休以春秋駁漢事六

百餘條妙得公羊本意隋書經籍志春秋
漢議十三卷何休撰蓋申公羊之書鄭服
皆有駁何氏漢議二卷糜信有理何氏漢
議二卷

隱元年 以元之深 浦鏜云深當作氣
案春秋繁露二端篇亦作深浦校非

隱三年 下財少可求 案可求上當脫不字
案此謂下財少有可求之嫌故云通乎下
以明之不當有脫字周禮宰夫疏引下財
少可求亦可證

桓九年 則未知其在齊與曹與 監毛本曹與上衍在字

案襄二年疏引曹與上有在字

莊四年 不得以渴隱解之 浦鏜云渴誤隱

案當云葬誤隱

僖二年 齊侯宋公江人黃人盟于貫澤 案

九年傳貫澤之會解云卽上二年秋九月齊

侯宋公江人黃人盟于貫是也而此言于貫

澤者蓋地有二名然則公羊僖二年經本作

盟于貫 案此九年疏奪澤字耳前說非也

案九年疏解則此經無澤字甚明與釋文
本異後案以爲非未喻其意

四年 月危公之久 解云危而久之久字亦
有作之字者案久作之則不通

案疏本作危公久之此久之亦有作之久
者正與今本注合

十年 況于兄子乎

補 毛本同案兄子當作父子

二十四年 非虛之

補 毛本同案發墨守虛下有加字

三十一年 既祭布散於地位 浦鏜云位衍
案爾雅音義無位

案位字爾雅音義偶奪耳當下屬爲句
上天燎之文 浦鏜云疑衍盧文弨曰疑作上
釋天之文

案二校皆非上云天燎地瘞此燎者云云
解上天燎之文儀禮經傳通解續有解字
肩臂臑肫脰 何校本肫作膊與少牢饋食禮
合

長脅 何校本長脅作正脅與少牢禮合

案何本正因少牢校然實非字誤肫卽膊
長脅卽正脅疏非直舉經文不嫌與經字
參差也

宣八年 有事于廟而聞之者去樂卒事而聞
之者廢繹 鄂本疊卒事二字此因重文誤
脫當據補案疏引昭十五年經去樂卒事以
證上卒事又標注卒事至日也以釋下注則
疏本亦疊卒事二字

案穀梁疏引云有事于廟而聞之者去樂
卒事至卒事而聞之者廢繹與鄂本同然

疏標注有事至去樂則不疊卒事其引昭
十五年經傳證去樂非證卒事也

十年 据有俄道 鄂本俄作我是也當據正
案疏解云言俄爾之閒則有絕於本主之
道鄂本非

成二年 案此一句注宜在不書恥之下今定
本無疑脫誤也 此二十字當是校書者札
記語非疏者本文也作疏時注固不脫且疏
內少言定本者定本乃唐初顏師古所爲則
知公羊疏出唐以前人矣

案宣十五年成四年哀二年及此疏皆引
定本益知公羊疏非出唐以前人矣

十五年 是以彭生遠而言之

補 毛本同案遠當作連

諸大夫皆雜然曰 唐石經諸本同宣十八年
疏引作雜言曰

案宣八年疏引亦同宣十八年疏誤耳毛
本不誤

襄四年 定弋者

補 案毛本下有何字與疏合

十二年 夏晉侯使士彭來聘 解云考諸正本皆作士魴若作士彭者誤矣

案公羊前經皆作士彭此諸正本作士魴者涉二傳而誤成十七年音義云士彭襄十二年同陸本是也

十六年 三委于臣 浦鏜云正誤三從六經正誤校

案疏本作三故以于向伐秦于戚解之

三十年 二十八年公○如楚 閩監毛本刪○非

案閩監毛本是也

昭元年 子未踰年 浦鏜云子衍字浦說是也

案子字當有謂嗣子也解云若言莒殺意恢無以明嗣子不孝是也今本注奪子字耳

二小傳本 浦鏜云小字衍

案唐書選舉志春秋左氏傳爲大經公羊傳穀梁傳爲小經疏以公穀爲二小傳蓋時人語如此

五年 故正舍二軍 浦鏜云合誤舍

浦校是也然故當作牧屬上讀據襄十一年疏知之

十五年 誓將去汝 浦鏜云逝誤誓

案桓二年疏引亦作誓逝誓同聲字說文逝讀若誓

二十二年 皆不當卒卒又名者 鄂本無下卒字當據以訂正案解云言二者皆不當卒又云既不合卒今書其名皆與鄂本合

案疏解及標注當重卒字不與鄂本合

定六年 則此經無可明矣 浦鏜云何誤可

案浦說非是

案浦校是

名子爲宮皇之屬是也 閩監本同毛本皇改

涅

案毛本據今史記改非也詩疏引史記作

皇毛本亦改涅與此合國語補音引宋時或本

作涅集解引徐廣本作生皆與今本不同

八年 謂之石 段校本謂字上有百二十斤

四字下文三斗有餘四字乃衍文

案此引家語正論篇注當作鈞四謂之石
依段校則上云三十斤爲鈞贅矣一石十
斗然則千斤之弓其力正得八石三斗有
餘無衍字也

十二年 子無道當廢之 鄂本下有師

案昭三十一年疏引亦同鄂本非

禍端在定 解云在定亦有作在是者今解從
定案薛弑其君比卽在定十三年則此作定
非也定當從是

案定者薛伯名非魯定公也所校非

十四年 如舜與宜咎之徒甯有可去之義乎

補案疏下云若其父大爲無道如獻公幽王之類若不迴避必當殺已如此之時甯得陷父於惡是以申生不去失至孝之名宜咎奔申無刺譏之典是謂宜咎有可去之義此宜咎字蓋誤

十五年 蒙卦彖辭云 案彖當作象

案下引蒙亨匪我求童蒙云云正是彖辭此校不可曉

哀十二年 城郭里若亦有井 鄂本若作井

當據正

案疏述注若作巷是也

穀梁

序 愚上不能用也 閩監毛本上作者是也

案上當作主

言旻天者 閩監毛本旻作昊下旻天不弔同
案疏云言旻天者以父卒故以穀方言之
是疏本自作旻天與釋文又作本合閩監
毛本非也

隱五年 則干在其中 閩監毛本干作羽

此干字作羽則上不言六脩者脩字亦當作
羽

案此不言六佾者據經書六羽言之以經
若言佾則兼有干戚無由見婦人獨奏文
樂也改干佾作羽義亦得通而與下注不
接

桓八年 夫婦叛合 閩監毛本叛作配案今
儀禮作辟合古本只作半合或作判合

案詩大明疏後漢書許荆傳注引作判合
與周禮媒氏注同是也

十八年 以王法終治桓之事 嚴杰云元本
左傳桓三年正義引治字上有始字是也

案元年疏云十八年有王取終始治桓也
引范氏略例文非此注其有始字者兼元
年有王言之左傳疏各本皆無始字校勘
記嚴君所定但云終下當有始字不言有
元本可據也此注無始字義正自通

莊元年 據僖二十九年 毛本二作三案當
作三十

案此恐注本誤

十七年 逐人盡齊人也

補案釋文出逐人盡齊人絕句是陸本無

也字

二十七年 案洮會下亦無云兵車之會

補毛本同案無字當衍

越竟逆女紀罪之

補毛本同紀字疑誤

二十八年 兩國相與交戰 監毛本作國都
相與交戰是也

案作國都則下疏不得云問在何處戰也
監毛本非

閔元年 是惡之也

補毛本同案惡當作累

二年 此莊公薨來二十二月 閩監毛本來作未是

閩監毛本非也自莊公薨以來至此吉禘正二十二月

僖十一年 固以久不雨別之 監毛本固作故是

案此本是也何休難言如穀梁書旱則以不雨明之設旱而不害物則何以別乎鄭君釋之曰旱而不害物固以久不雨別之

矣

三十一年 其名汁光紀 何校本汁作叶是也

案禮記注叶光紀釋文本又作汁月令及周禮大宗伯疏引春秋緯文耀鉤皆作汁古字通用不必定以改叶爲是

故博卜三正 案博當轉之壞字監毛本作傳亦非

案博是也公羊成十七年傳注魯效博卜春三月校勘記云博卜者廣博卜三月也

宣十六年 周災至

補毛本同案至當作志

成十八年 故約之爲天子諸侯三十里耳

補毛本同案天子下當脫百里二字

襄二十一年 庚子孔子生

補案書疏穀梁以爲魯襄公二十一年冬

十一月庚子孔子生是孔所見本有十一

月字與疏本異

二十四年 有死曰大餓无死曰饑 單疏本

監毛本死下有者字

十三經注疏卷之四
案毛本有死曰大饑無死曰饑是也此校有誤

定十五年 日中而克葬各二 單疏本而作不是也

案日中而克葬宣八年經文云二者兼此
年日下稷乃克葬言之單疏本非
哀八年 侵齊故也

補
毛本同侵字誤疑當作畏

論語

公冶長第五 子使漆彫開仕 案依說文當作琕凡琕琢之成文則曰彫今彫行而琕廢案說文琕治玉也彫琢文也是漆彫之彫正作彫不當作琕也

女與回也孰愈章 故云不如也 浦鏜云不當作弗

案疏正以不解弗耳下云吾與女俱不如亦可證

子罕第九 吾自衛反魯章 胡簋之事 閭

本北監本毛本胡作簠

案左傳正作胡簋此不知者妄改當明著其非

鄉黨第十 君子不以紺緌飾節 次加祭服

補各本同江永鄉黨圖考於此上補次加

裘裘上加裼衣二句云注疏刊本缺案此疏襲用玉藻疏所引皇氏說也皇氏云凡六冕及爵弁無裘故其次如此非有缺也以素爲常 浦鏜云裳誤常案浦說非也說文常下裙也常或從衣今裳行而常廢矣

案經典通用裳字此疏不應獨作古體校語似是而非

顏淵第十二 齊景公問政於孔子章 以陳子爲田氏 北監本子作字浦鏜云氏誤字檢史記與北監本合浦校非

子路第十三 仲弓爲季氏章 人將自舉其所知 皇本舉下有之各舉三字

案邢疏亦當有御覽六百三十引同

衛靈公第十五 子張問行章 紳居二焉禮記玉藻二作一

案此乃禮記誤本今坊刻皆作二非玉藻
本作一也

子貢問爲仁章 將答問仁 十行本問誤爲
今正

案爲仁不誤

陽貨第十七 惡紫之奪朱也章 中央土土
色黃 浦鏜云中央下脫爲字

案中央土月令文不應有爲字

孝經

孝經序疏 虞槃佑 正誤佑作佐從隋唐志

校

案釋文作佑

士章第五疏 通古今辨然不然謂之士

補案下然字衍不與否同

庶人章第六 制旨曰 唐元宗孝經制旨一

卷見唐書藝文志

案疏庶人章三才章聖治章三引制旨其
文不類注畢沅關中金石志以制旨御注

爲一書非也

聖治章第九 各以其職來祭 毛本職作職
案職俗職字石臺本唐石經宋熙寧石刻岳
本閩本監本正義本來下有助字 是經文
本有助字石臺本脫諸本仍之

案此據石臺各本正十行本職字之俗又
謂正義本來下有助字而石臺各本脫也
摘錄者妄改遂不可解當據廣東新刻正
之

廣揚名章第十四 居家理故治可移於官

正義曰先儒以爲居家理下闕一故字御注加之案釋文注云讀居家理故治與上異讀似陸氏所據本亦無故字後人依石臺本增入非也

案梁元帝金樓子立言篇居家理治可移於官何也治國須如治家所以自家刑國梁書徐勉傳勉爲書戒其子崧引孔子曰居家理治可移於官隋書李諤傳諤上書言且居家理治

文苑英華作治理北史作理

皆誤

官既不正私何能贊務皆舊本無故字之

證又文子微明云居家理治然後可移官
長

喪親章第十八 天下之達喪也 案今本論
語作通

案此本三年問疏不云引論語也

爾雅

釋詁 西伯堪黎 雪牕本堪作戡案說文邑
部𡗗殷諸侯國從邑初聲商書西伯戡𡗗又
尙書及伏生大傳皆作戡與說文合此作堪
非

案玉篇引書作堪黎與此合雪牕本正據
今書私改耳漢晉經本異同甚多安能一
一律以說文說文戈部引書作戡黎不得
執之謂戡𡗗又非也

嗣先公爾酉矣 案詩無爾字蓋今本脫

案詩校勘記云爾雅注或出於三家毛鄭詩非有爾字也

釋言 福履將之 案此當如釋詁注引詩福履綏之

案古人引書不拘首見此與猷肯可也引猷來無棄正同彼校亦謂棄當作止皆非也

莢亂也 釋文亂五患反案此係釋艸文誤入郭氏言莢艸色如離云云本上文莢離也之注而在此下可證詩大車正義曰莢離釋言

文莢亂釋艸文分析最清釋文亂字音亦後人竄入

案此兩見非誤入也莢騷言其色莢亂言其物相兼乃是鵜鵜比翼釋地釋鳥兩見與此同釋艸蘆莢名類相從故郭注彼詳此略而此則注屬下句正可明二莢爲一不能證爲無也詩正義兼引葭蘆莢亂意主蘆莢一物取證毛傳也謂釋文音後人竄入亦無據

釋訓

鳳凰應德鳴相和 單疏本雪牕本元

本鳳作皇案正作鳳俗作皇

案此誤倒干祿字書云鳳皇上俗下正

不邁不蹟也 此釋邶風日月篇報我不述也
蓋古經有作報我不邁者邢疏引沔水念彼
不蹟邵晉涵正義因謂以不俟釋不來以不
邁釋不蹟誤甚釋訓一篇皆詩經在上雅訓
在下未有倒置之者

案古人訓釋之文不應如此拘執周易雜
卦六十四象皆先言卦後言義至親寡旅
也則反其言與此正同且下云舞號雩也

非經字在下雅訓在上乎不邇卽不迷邵正義中已言之

巧言好辭以口饒人 浦鏜云口衍字案釋文引李云巧言辭以饒人

案邢引李巡注出詩正義好字口字皆非衍

釋宮 東西牆謂之序

補儀禮鄉飲酒注東西牆謂之序疏云東西牆謂之序者爾雅釋宮文但彼云東西廂廂卽牆故變言之是賈氏所見本作東

西廂也

釋器 主國尊於簋副 浦鏜云椀誤於案詩

正義作椀

案詩正義各本未見有作椀者詩校勘記
曰浦鏜云椀誤於從玉海校非也禮器正
義引亦作於玉海作椀者當是誤涉禮器
下文

古者倕作弓 閩本作揮案揮作弓同說文

案倕作弓亦見荀子世人習聞揮作弓遂
以所知改所不知矣

釋樂 管長尺圍寸併漆之 案文選閒居賦
李善引此注曰管長尺圍寸併吹之與鄭注
周禮併兩管而吹之義同今作漆蓋誤
案作漆不誤風俗通義云管漆竹宋書樂
志詩有磬疏引皆作併漆之

釋天 又於日與日相會 注疏本又作及
及是也禮記月令疏不誤

暴雨謂之凍 唐石經雪牕本注疏本同五經
文字水部凍見爾雅案釋文作凍都貢反考
說文有凍無凍當從釋文張參隸此字於水

部蓋非

案說文水部凍下云水出發鳩山入於河
是凍者正字凍者假借字

釋山 山狀似之 詩正義此下有上天下小
四字葛藟釋文引此注云形似累兩重甌上
天下小然則今本無上天下小四字者脫也
案上天下小蓋兼釋畜善陞甌注引之非
此注脫字

釋水 覆釜水中多渚往往而處形如覆釜
元本作覆釜水中可居多者往往而處形如

覆釜案依釋文當作水中多渚往往而有可居處形如覆釜

元本誤案語亦未是邢引李注本書正義不應據釋文改之

用功雖廣 浦鏜云釋文作此河功難此誤案詩正義作用功難

案此不誤邢引本書正義

釋艸 母則公薺 元本同疑誤閩本監本毛本作狗薺

案此不誤唐慎微證類本艸引陶注亦同

閩監毛本非

綸今有秩嗇夫所帶糾青絲綸 案疏云綸是糾青絲繩也本注爲說原刻綸當作繩

案邢疏言繩者舉類以曉人綸者繩也而有秩嗇夫所佩則專言綸漢晉人通語也疏云糾青絲爲綸以帶佩之至東晉尙然則注不當作繩也王應麟漢制考引亦作

綸

不榮而實者謂之秀 陸德明云眾家並無不字案當從眾家無不字詩生民實發實秀毛

傳曰榮而實曰秀正義本衍不字高誘注淮南子時則及本經篇皆引爾雅榮而實曰秀俗本亦增不字

案眾家並無不字陸氏自據當時所見本言耳實不盡然詩七月生民傳皆云不榮而實曰秀淮南子時則訓注引爾雅曰不榮而實曰秀本經訓注同御覽引月令章句曰不榮而實謂之秀文選思元賦某氏舊注不華而實謂之秀是毛公高誘蔡邕某氏與郭注所據爾雅並有不字校記謂

生民傳本無不字案正義釋文於各本異同纖悉畢載此旣無文何由知之又不檢勘豳風七月先有是傳未審也淮南子注檢道藏本莊氏王氏新刻本皆同所云不俗之本亦今世所無偏據一語而盡廢諸書已意私定而卽指爲古本此說之難持者也而臧君庸段君玉裁能之然不可爲訓

釋木 今江東亦呼爲榲桲 案亦字當衍詩皇矣正義廣韻十七薛並引此云今江東呼

爲桮栗無亦字

案亦者亦大栗也注上云子如細栗可食
故此云亦也廣韻白爲釋義詩正義則省
文古人引書或省或增當各循其舊必盡
據以改本書則惑矣詩正義引此注無可
食字不得謂可食亦當衍也

可以爲桮器素 詩正義引郭氏曰可爲桮器
素也桮卽桮之省素當爲索字之誤也陸元恪
云其皮堅韌剝之長數尺可爲紉索其材可
爲桮器注本此邢氏作疏時已誤作素故云

素謂樸也

案素若爲索注當云可以爲杯器及索如
被黏下注可以爲船及棺也云杯器索不
辭且爲杯器其材也爲索者其皮也郭注
果如此無別亦疏率之至

釋蟲 其在糞土中者名蟻蟻 浦鏜云蟻字
衍

案此本詩疏蟻字非衍孫炎曰蟻蟻謂之
蟻蟻疏下云然則蟻蟻也皆可證

食樗葉棘葉藥葉者名惟由 浦鏜云下脫棘

藥二字

案此謂食樗棘藥葉之蠶總名雖由不謂蠶名有棘藥也浦校謬甚

釋魚 涪陵郡出大龜甲可以卜緣中文似瑋珣俗呼爲靈龜段玉裁云文當作又靈龜當作靈又又釵古今字依蜀都賦注華陽國志訂正

案段說有據然此云卽今蜃蠃龜山海經郭注云蜃蠃大龜也甲有文采似瑋珣而薄與此合則郭意自作文不作又也初學

記引此注亦同

名之火澣布是也 浦鏜云今誤名

案名字義長上已云今去扶南東萬里矣
今山海經注作今蓋誤

釋鳥 此鷦鷯小鳥而生鵬鷖者也 案鷖當

作鷖

案此本詩疏鵬鷖一類不當改鷖

或謂之鷖爵 元本作鷖爵閩本監本毛本改
鷖雀案本作鷖字從心鷖猶細也

案陸元恪疏鷖鷖取茅秀爲窠以麻紩之

如刺戟然或謂之戟雀則作戟是也小鳥俗呼其義至淺不得盡以小學繩之

其狀如鶴 浦鏜云鷄誤鶴

案詩卷阿疏左傳莊二十二年昭十七年疏周禮樂師疏史記司馬相如傳正義文選顏延年贈王大常詩注藝文類聚九十九引山海經皆作鶴初學記鳥部鳳下載帝王世紀曰乃有大鳥其狀如鶴蓋出於此今本作鷄字誤

江東亦呼爲鷄鳥 詩小弁正義引此無亦單

疏本同衍

案鳥本孝鳥鵲鳥有鳥名而不反哺故云
亦也此與釋木注江東亦呼爲桺栗語例
正同詩疏引無亦字省文

皇名黃鳥 案皇下脫一

案詩葛覃疏引舍人注無一字

齊人謂之搏黍 注疏本搏作搏段玉裁云搏
非也搏是也搏黍者謂其搏取黍而食之與
儀禮搏黍迥別

案考工記凡相筭欲生而搏注搏讀如搏

黍之搏謂圜也釋文搏徒九反疏云讀如爾雅釋鳥搏黍也此取其搏圜之義詩釋文云搏黍徒端反鳥名也則作搏是也搏乃誤字

鷺白鷺 雪牕本注疏本誤分楊鳥二字

案白鷺一名楊鳥廣韻已誤

釋獸 卽謂此也 案卽字疑衍或當作謂卽

邢疏有卽謂此也之言或因此誤衍

案此對毛傳言之毛解麇麇爲眾多不與爾雅合故云鄭康成解卽謂此也所疑所

改皆非

狒狒怪萌 元本同閩本剡改萌作獸監本毛
本承之

案廣韻引作獸與閩監毛本合然萌字是
也古文民𧢲萌字同說文民𧢲萌也周禮
有怪民狒狒狀如人故謂之宋高似孫緯
略趙潛養疴漫筆引皆作萌

孟子

題辭解

是二百六十一章也

補

案依疏所計只二百六十章

據魯親周故商

補

毛本同案親當作新新周故宋公羊說

易宋爲商者辟時嫌

漢中劉歆九種

補

毛本同中當作書

齊桓晉文章

上春釁寶鍾

案鍾當依周禮

作鎮形相涉而誤

案趙引周禮以證釁鍾所據本與鄭異非誤也

明堂章 又以武備之曰方啟行道路 閩監毛三本同宋本廖本孔本韓本考文古本曰作四無行字 岳本無行字足利本無之字曰作四

案此本是也曰字正釋經爰字疏云告其士卒曰爲女方開道路而行自不誤各本俱非

爲巨室章 凡是於事巫卜陶匠

補毛本同案是當作氏

齊人伐燕勝之章 時燕國皆侵地廣大

補毛本同案國當作齊

滕定公薨章 父兄百官皆不欲也故曰

補案此衍也故二字

滕文公問爲國章 徹猶取人徹取物也 岳

本宋本廖本孔本韓本考文古本無上取字

無者是

案周禮匠人疏引無取字亦可證

許行章 陶冶亦以械器易粟者 諸本同

案朱注本以下有其字

宋小國也章 北狄怨 廖本狄作夷

案疏云南面而征其君則北夷之國怨之

與廖本合

離婁之明章 觸義之所其 案其字監毛本

並作具

案作具亦非當依注作禁

舜生於諸馮章 王節也 監本毛本孔本韓

本作玉節也是也

案王節是也兼周禮六節言之云玉節則

偏舉矣

在扶風義陽西北

補毛本同案此美誤義

禹稷當平世章 非得禹之平水土

補毛本同案此上脫稷字

萬章問曰人有言章 孟子曰否不然也 此

經下岳本廖本孔本韓本考文古本足利本
並有注否不也不如人所言八字注疏本並
無之 案有者是也但因此可正今本經文
之誤經文本作孟子曰否然也三字一句無

不字故注之云否不也不如人之所言癰疽
章注曰否不也不如是也割烹章注亦同而
今本奪三字孟子之否然卽今人之不然也
他否字皆不注獨注此者恐人之誤斷其句
於否字句絕則然也不可通矣不得其意而
或增經或刪注今乃了然

案此本段氏玉裁說

說文注

非也注云否不

也解否字不如人所言解不然癰疽章注
否不也解否字不如是也解不然也大戴
禮哀公問五義篇然則今夫章甫句屨紳

帶而搢笏者此皆賢乎孔子曰否不必然
又四代篇公曰以我行之其可乎子曰否
不可又小辨篇公曰寡人欲學小辨以觀
於政其可乎子曰否不可皆與孟子否不
然文義同

史記太史公自序太史公曰
唯唯否否不然尤爲明證

杞柳章

器之似屈轉木作也

補

毛本同案似下脫升字

無惑乎章

古者堯曾作博

補

案堯曾當作烏曹

又云疑首

補案此隸誤疑出劉子專學篇上文有吹

笙過者

各本脫吹笙二字

五霸者章 客羈旅

補案客上毛本有賓字是也

盡心章句上 凡四十五章 宋本五作七案

章指當爲四十七章作四十五章者僞疏改疏以王子宮室章并入上章又失數莫非命也一章故爲四十五章也

案僞疏云三十四章言人性皆同居使之異三十五章言興服器用人用不殊尊貴

居之志氣以舒明分二章不并入也云四十五章者又失數無爲其所不爲一章

案一首天文志云 監毛本一首作五行不誤案五行亦誤當作漢書下引漢書天文志云又案足以明矣

形色章 有表無裏謂之柚梓

補案梓字誤或作梓亦譌體依說文當作亲毛詩左傳周禮禮記作榛假借字

十三經注疏校勘記識語卷四

向借讀十三經注疏校勘記甚好之不能竟學
道光庚寅買得南昌盧本點看一遍意有未安
別爲表識實求其是云爾此記成於眾手故時
有駁文然實有益後學之書初出時翁學士方
綱有違言閩陳編修壽祺移書爭之翁爲失糾
今之校語亦未敢自信阮宮保位尊地隔旣無
由就正錄爲一冊庶好學深思如陳君者之有
以教我也辛卯二月十二日文臺謹記

十三經注疏校勘記識語後序

大江之南有黟山焉或曰軒轅鍊丹處又謂之
黃山蜿蜒扶輿磅礴而鬱積扈歸岌垣嶧蜀者
四方皆障數千里與江西之匡廬江北之潯嶽
隱隱相接也其西七八十里自秦設縣因山得
名蓋已數千載縣之西稍北有碧山碧山下有
學士里通儒汪南士先生之所居也先大夫嘗
受業焉

國朝累洽重熙士庸讀書爲務篤信好古實事
求是治經史資掌故達時事不爲空虛無用之

學江北閻賈王任劉阮汪焦江南顧惠秦錢孫
洪張段其在徽則有婺源江永氏休甯戴震氏
歙金榜氏黟孫蒙氏蒙後言實學者惟先生與
俞氏之從俞名正燮亦先大夫之所師也與先
生交最善學詣具有恆心齋集黟兩先生傳其
傳先生略曰先生諱文臺府廩生居父喪哀善
事母博學強記家產不及中人然猶聚書萬卷
治經宗漢儒有胙稿論語外傳十三經校勘記
識語後漢書輯說文校字錄小學劄記夜餘錄
思問錄酒評日記紅毛番英吉利考略惟考略

貴筑黃編修彭年刻於都門初先生之卒也先
大夫方客京師逾年歸黟與同門議活師妻子
計甚力又日以訪求先生遺書爲事先生族人
多有藏者靳不與人或偶假得一二卷輒徹夜
疾錄至晨往往索去如是者有年先生之譏述
崖略悉具別爲副以歸於先生之家咸豐同治
間賊婁擾黟無甯歲輾轉兵燹流離困苦未嘗
不以先生遺書自隨去秋先大夫諭壽保曰汪
先生書久思付刊苦乏資又病鮮暇前見先生
子康侯名錫蕃者知其家楹書悉逸此本愈可

寶貴吾舊藏貂裘不習服近欲售之或可刻吾
師一二種書論語外傳曾付汝校過後漢書輯
則湯笏卿徵君球處尙有鈔本當陸續設法以
畢吾願是年冬壽保驟膺大故百事具廢今年
春康丈將赴江西壽保盡出其書俾錄副焉夏
六月康丈書來述及先生十三經校勘記識語
乞張西園繆芷汀兩觀察呈之劉仲良中丞中
丞屬芷汀觀察讐校訛誤補綴殘脫由書局刊
板附校勘記以行俾承學士審違合資攷訂甚
盛舉也中丞籍廬江廬江去今霍山不二百里

古潯嶽在焉江以北磊落嶽嵒之氣於是焉窮
詩曰維嶽降神其在斯耶同治初元申丞以名
翰林督軍江浙蕩平寇難備極艱鉅近膺

簡命鎮撫豫章方興廢舉墜發潛閤幽以振起
聖朝昌明經學之緒使天下學者知所依嚮豈
徒三江五湖間蒙其休澤也哉比承京口劉小
崧年丈謀飲剗刷先大夫有恆心齋集依劉之
願不圖與康丈共之敢不以家學相勉無負名
公卿長者拳拳之意爰敘先生著述之目與先
大夫哀藏之志幸賴中丞表章之力得以垂之

永久用眎世能讀先生之書者昔俞氏癸巳類稿既得王菽原方伯藻板行於世存稿十五卷有張石舟明經穆爲刻於靈石楊氏連筠蓀叢書惜壽保家舊有孫蒙氏所著書稿本已毀於兵燹莫由再得爲可歎也時在光緒建元旃蒙大淵獻孟秋月朔日私淑弟子程壽保謹序於安徽通志局次距先生之卒三十二年矣